



AÑuro kamotara COVID-19re mariye mahkaripure






**Atenumurire
wakūketikā
wese, mahsa
nipetirā katise
dukayukā wese,
doatise wameti
coronavírus
(COVID-19),**

**sō yuruka
kumare bahuapā
Wuhan wametiri
mahkapu,
Chinapu. Ate
doatisere mahsa
doatitikūpa te
bauati duporore.**



**Mari mahsa
nisetise watero
mata perikā wesa
te doatisere.
Pehase ehō
weroho nisetisa,
akoperi weroho
bahuse wasa**

**mariye
uhseripu,
ekēpapu,
kaperipu, mari
eherimisepu
sahanuka
ehasa.**



**Ahperama nokaro
meheta wa, yurua
wasa, uko ye wetimika,
ahperäre uhputi wasa,
uhputi satise wasa,
wuhaketise wasa,
eherimiro otisa. Bükurä,
toho nika, ahperä
dupo a niase doatiräre,
eheriporä pürise khoräre,
eherimise doatise
khoräre, diabetes
doatise khoräre, nare**

**uhputi wasa. Wakütiro
mera ehõ suakease
weroho wasa, eherimiro
otisa uhputi waropua nika
samaro waterore. Toho
wakä uko yese wiseripu
mata miaro nisa, toho
weka te doatiräre masirä
na iña uko yekä yuru
wehtisama, Añuro na Iña
Nurose (UTI) tuhküripu,
mahsare eherimitamuse
kuose tuhküripu.**



Rio Negro dehko, rio Negro potepu-
nirama, wakūketikā wese nisa,
yoaropu-mahkari tohase, doatirāre
iñanurose peheteakā nisa, pahkase
mahkaripu doatirāre miakakerāre
Añuro na Iña Nurose (UTI) tuhkūri
marisa, ʉkoyese wiseripure.
Atobero ati muhipū berore diasaro
warosa, ʉkoyese wiserikerā mumua
warosa, bukurā
paharā na doatikāpuma.



**Atobero ati muhipū
beropure mariye
makaripure ehatikāto
ni tuoña dararo
niro we. Nipetirā
wiopehsaro mera
kamotaro ni, mariye
mahkaripure
eharopua diasaro
warosato, doatise
pēripetia wanorosa**

**Mariye mahkariputa
nika nira, pahkase
mahkaripure
watimira. Yoaropu
atikarāre sahati
duhtiti wero nisa
mariya ditapure,
mariye mahkaripure,
añuro ahpoyu nare
sahātika wekama
añukasa.**



**Akawererā (te kuarā
ou morakera) yoaropu
nikarā eharāre,
ukoyerāre iña
duhtiro nisa, 14
numuri kotero nisa,
tere yoakā betiati
duporo, mahkapure
daha sahātiati
duporo. Noa pahkase
mahkaripu nikarā,**

**naye mahkaripu
daharāti na nika,
ahperāye mahkari
karī yururā, naye
mahkaripu eharā, suti
na sañasere tuwemi,
añuro ahsipokeo wero
nisa. Añuro wuakoe
wero nisa ahpera
watero wa'arāti nira.**

Pahkase mahkaripure nira:



- **Mahsa paharā nirore watī wero nisa.**
- **Mahsatiro yoakureropū niro nisa, ehō boarā tiro yoaropū niro nisa.**



• Mariye amokarire
sabão mera pehetiri
koe wero nisa.



**Wuhake kuogu, wahkīse satise kuogu,
eherimi masitigu bahuakā, mariya mahka
nigu nika, pahiri makapu ni atiku nika:
Mehekā kahioña kürē, dias a nisa niropea
mariye makaripure. Toho diasamika te
doatirā nikarera kahiōro nisa, kū
kuosekerāre meheka kūro nisa, kūve copuri,
waharo, ne natiroaka niro marisa.
Soharo mera werero nisa tukoyerāpure kürē
iñanuroato nira.**



Toho wera tuomasira, keoro nitisere werevesteri maripu:

- Kihti maripure ehaka, Noa weroaparito ni iña kahsaya. Wiorā na wereose iñata basioro na wame wañasa. Internetpukeräre atota keoro wereapuni iña behseya.
- Kihti oóke, wame mose ehakama toho nikaro wesa ni iña mahsiña. Wiopesaro mera, wiorā na wereosere tuoja.
- Vídeo, toho nika, mahsa iñamike na oókakeräre, keorota nimiti atea ni seritiaña ahperā masirare. Te noho watero mahsare nisose yuruhawa atokäteropuma. Tuo mahsiña.

• Kihti wereosepure mari keoro nitisere werestekama, dohorēgu wenosa.

Mahsa tere tuorā, uirā, buhawetirā, tohakasama.

Toho wari nira kihti keoro nisere ahperāpure wereorā.

Ate numuri wiose numuri niro wee.

• Fake News na nise mahsare, na darasere dohorēse niro wee.

Tere tuo mari weresterā nisorā wenosa, mahsa iñatutise, ametutise wakā wenosa.

Toho wesetiräre weresäkasama.

Surara ñe' e biadupokásama nisoke buiri.

Toho wari maripu nira keoro nise diakure kihti wererā.

Nisora weroho weri maripu.

**Ate doatise mata
sesawasa dūporopu
ñá'ase doatise nike
werohota, sarapu,
kamiboasa masa,
paharā wehēke
werohota, nika
maka kahārare
wehēpeoka kūpa.
Toho wera mari
nipetira añuro
iñanuroro nirowe,
mari bahsita.**

**Akawererā doatise
tukoyerā na
weresere keoro
tuoya!**

**Fake news/
WhatsaPPptu na
oôse apeteroma
keoro weretisa.**

**Añuro tuoñaro mera
kihti weretisama.**



**Ukū amesuo weya muhsaye
wiseri kaharā mera, muhsaye
mahkarikarā mera, muhsaye
mahkaripu nikarāti nira, pahkase
mahkaripu watikā niña, ne mahsa
mehekā bahurāre sahā duhtitikaña
muhsaye mahkaripure.**



**Nikaroakama muya
mahkapu nika wero
diaku mure ate
doatisere kamotarosa.**

Elaboração do informativo:

Conteúdo: Equipe do Programa Rio Negro do Instituto Socioambiental (ISA) com a colaboração de Dulce Meire Mendes Morais, especialista em Saúde Coletiva, mestrandona Faculdade de Saúde Pública da Universidade de São Paulo (USP), com informações do Ministério da Saúde e Organização Mundial da Saúde (OMS).

Desenhos: @o.ribs

Diagramação: Raquel Uendi

Tradutores nas línguas indígenas: André Fernando (Baniwa), Elizângela da Silva Baré e Edson Gomes Baré (Nheengatu), Justino Sarmento Rezende (Tukano) e Roberto Carlos Sanches (Dâw)

Adaptação para os povos Naduhup: Américo Socot Hupd'äh, Bruno Marques, Karolin Obert e Patience Epps

Edição e organização: Juliana Radler - Instituto Socioambiental (ISA)

Distribuição impressa e eletrônica: Equipes de Saúde do DSEI-ARN, Secretaria municipal de Saúde de São Gabriel da Cachoeira, Rede Wayuri de Comunicação Indígena, FOIRN e ISA.

Informativo produzido em março de 2020 em apoio aos trabalhos de informação e comunicação para os povos indígenas do Rio Negro do Comitê de Prevenção e Enfrentamento ao novo Coronavírus (COVID-19), criado pelo decreto 003 de 18 de março de 2020 da Prefeitura municipal de São Gabriel da Cachoeira (AM).

Realização



www.socioambiental.org

Parceria



www.foirn.org.br



Remakatu nesuí mase tire yamã pusāga.

#RioNegroContraCoronavírus #Covid19longedaqui #PovosdoRioNegrocontraCoronavírus

#FicaEmCasaGabrielense #RioNegroContraCovid19